

inchoata est aliqua cum lege Dei conformitas. Sed his promissionibus euangelium simul adiungit exceptionem castigationis et crucis nec conciliatio horum, ut iudicant homines contrariorum, videlicet promissionis bonorum corporalium et praedicationis de cruce aliunde, nisi ex euangelio discitur, nec consolationes in cruce salutares ex lege, sed ex euangelio petendae sunt, <sup>5</sup> quod quidem et docet promissionem gratiae semper fide retinendam esse etiam cum bona corporalia amissa sunt sicut tandem in morte amitti omnia necesse est.

## LXXXV.

## De conversione.

10

Complectamur autem hoc loco et summam verae et necessariae doctrinae de poenitentia seu conuersione, quae usum legis et euangelij ostendit et iuramento diuino sancita est: „Viuo ego, nolo mortem peccatoris, sed ut conuerteretur et viuat.“<sup>124</sup> Hanc doctrinam necesse est semper sonare in vera ecclesia, quia in omnibus hominibus haeret peccatum. Ac ut sancti suas sordes habent, <sup>15</sup> ita multi alij polluti sunt sceleribus contra conscientiam. Ideo et Deus ipse assidue concionatur de poenitentia in poenis priuatis et publicis et vt<sup>p</sup> aliqui [F 3v:] liberentur ab aeterno exitio, praecipua vox Dei est in ecclesia: „Agite poenitentiam et credite euangelio.“<sup>125</sup>

## LXXXVI.

20

Ingens furor est Anabaptistarum et aliorum fanaticorum, qui contendunt renotos non posse labi aut certe non effundere Spiritum sanctum et rursus fieri reos irae Dei, etiamsi violent praecepta Dei contra conscientiam, cum non solum dicta coelestia, sed etiam exempla scripturae manifeste refutent hanc amentiam. Certum est Adam et Euam amisisse gratiam et illam praesentiam <sup>25</sup> donorum, quam habuerunt. Aaroni Deus horribiliter irascitur propter fabricationem vituli aurei.<sup>126</sup> Saul a Deo auulsus in aeternum ruit exitium.<sup>127</sup> Dauid, Petrus et alij non sine ingenti lucta et certamine ad Deum rursus conuertuntur.<sup>128</sup> Et nota est grauissima Pauli concio: „Qui stat, videat, ne cadat“<sup>129</sup> et illa Petri oratio: „Si cum effugerint contaminationes mundi per agnitionem <sup>30</sup> domini et seruatoris nostri Iesu Christi, his rursus implicantur fiunt eis nouis-

---

<sup>p</sup> Ergänzt nach C.

<sup>124</sup> Ez 33,11.

<sup>125</sup> Mk 1,15.

<sup>126</sup> Vgl. Ex 32,7–10.

<sup>127</sup> Vgl. I Sam 31,4.

<sup>128</sup> Vgl. II Sam 12,1–25; Mt 26,75.

<sup>129</sup> I Kor 10,12.